



Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 33. Nuncii Apostolici Responsum.

[urn:nbn:de:hbz:466:1-66495](#)

vota, desideria, & obedientiam, ut fideles Sæcul. XVI.
filii se paratissimos offerunt, & commendant. A.C. 1523.

§. XXXIII.

Nuncii Apostolici responsum.

Displicuit hoc responsum Pontificis nuncio, unde huic in modum Principibus reposuit: *Et primo quantum ad id, quod Principes dicebant, & se excusando asserebant, quod non fuerit visum, sibi Pallav. hist. expedire, ut sententia Apostolicae Sedis, & Trid. l. 3. Imperiale Decretum debitæ executioni man-* cap. 8 n. 11, *detur, ne inde contingant pejora, & acerbiora mala, ad hoc respondit Nuncius: Non satisfacit illa ratio, quod propter scandalata evitanda hæc sententia ac edictum exequi non debeant. Nam non sunt toleranda mala, ut proveniant bona. & magis sunt curanda ea, quæ pertinent ad animæ, quam ad corporis salutem: Cum vero Lutherus ante sententiam Apostolicam, & Cæsareum Decretum errasset in uno, & post sententiam & edictum erraverit in longe pluribus, attento, quod indies magis cum suis sequacibus erraverit, & erret, pœna etiam ipsæ augeri, non diminui debent. Et quantum ad responsum ipsum, ex eo imprimis offenditur divina Majestas, cuius caussa tam segniter curatur, offenditur Apostolicae Sedis dignitas, offenditur Imperialis culminis celsitudo, quorum ordinationes tam impune*

R 2 suspen-

Sæcul. XVI suspenduntur. Nec videntur excusandi, qui
A.C. 1523. Lutherum sedantur, quod propter sibi in-
 flida scandalæ, & gravamina a Curia Ro-
 mana (etiam si verum illud esset) deberent
 ab unitate Catholice Fidei propterea resi-
 lire, & in profundum malorum se præcipi-
 tare: nam omnia potius mala deberent æquo
 animo & patienter sustinere, quam se, &
 animam suam, cum salutis periculo in præ-
 cipitum dare. Quare vos rogo, ut his ra-
 tionibus verissimis adduci velitis, antequam
 vester conventus dissolvatur, omnino & fir-
 miter statuere, quod Apostolica sententia, &
 Imperiale Edictum executioni mandentur si-
 ne aliqua diminutione, cum ex hac tota Ger-
 mania salus dependeat.

Quoad Annatas in Germania retinen-
 das, reservatur responsio ipsi Pontifici, quæ
 dabitur vel Imperiali Regimini vel futuro
 Principum conventui, prout magis suæ San-
 ctitati expedire videbitur. De cetero Ca-
 mera Apostolica semper parata est De-
 putatis ex Imperii arbitrio feligendis de-
 summa pecuniarum, quæ ex Germania
 percipiuntur, accuratam rationem red-
 dere, ac illos etiam, qui difficiliores ad
 credendum inveniuntur, convincere,
 illas semper in debitos usus fuisse con-
 versas.

Quoad Concilium Oecumenicum, repli-
 catur, quod illud speratur, non debere di-
 spli-

splicere suæ Sanctitati, petitur tamen, ut sæcul. XVI.
 illud Concilium aliis verbis magis idoneis po- A.C.1523.
 stulatur, & quod tollantur ea, quæ possent
 aliquam umbram facere Sanctitati suæ, qua-
 si debeat convocare Concilium de Cœsareas
 Majestatis consensu, item quod non ponatur
 magis in una civitate, quam in alia, & si-
 milia &c. quia nisi tollerentur ista, videren-
 tur Sanctitati suæ ligari manus per Imperii
 Principes, prout in voce declaratum est.

Quod Prædicatores spectat, observan-
 dum est Papæ Decretum, nimirum, quod
 nullus deinceps possit prædicare verbum Dei,
 nisi prius fuerit examinatus per Episcopum,
 & ad id munus ab eodem institutus.

De Impressoribus Lutheranorum libro-
 rum respondeatur, quod nullo pacto placeat
 data responsio, sed in hoc sententiam Papæ
 ac Cœsaris exequi oportet, nimirum quod
 ejusmodi libri comburantur, imprimentes ve-
 ro, & vendentes, vel alio divulgantes jux-
 ta easdem sententias puniantur. Et in hoc
 maxime peto debere adverti, nam in hoc stat
 tota vis, nec in hoc recedendum a Constitu-
 tione Concilii Lateranensis, qua statutum, ut
 nullus possit aliquos libros imprimere, nisi
 per Episcopum loci examinati ac pro Chri-
 stianis libris habiti sint.

Denique de Clericis, qui uxores ducunt,
 replicatur, quod quamvis Germaniæ Ec-
 clesiæ hucusque adversus Sacerdotes &

Sæcul. XVI

A.C. 1523

Monachos Apostatas nullas leges satis severas condidissent, nihilominus illa verba, quæ in fine capituli habentur, declarari debent, nimis quod illi votorum transgressores a Principe vel potestate sæculari puniri possent; tale enim responsum est contra libertatem & jus Ecclesiæ, nam si sæculares auderent in eos jurisdictionem exercere, esset tangere eos, qui sunt peculiariter Christo reservati: nec ob transgressionem voti, seu ob apostasiam præsumant credere Principes, tales ad suam jurisdictionem devolutos esse, si delinquant in eorum territoriis: cum propter talem transgressionem non desinant esse de jurisdictione Ecclesiæ. Quia cum remaneat illis character ordinis, semper sunt in ejusdem Ecclesiæ potestate. Unde in tali casu Principes denuncient illos suis Episcopis, vel aliis Superioribus, qui eos castigant, corrigant, & si opus fuerit, pro viribus suis dictos Episcopos, seu Superiores brachio suo juvent, & alii præsto sint. Super quibus omnibus & singulis peto ab S.R. I. Electoribus, & Principibus, ut habita matura deliberatione melius, clarius, sa- nius, & consultius respondeant.

§. XXXIV.

Nuncii responsio Principibus minus accepta.

Hoc Nuncii Apostolici responsum minus benigne a Principibus excipiebatur,